

# Lingua scots

Na Galipedia, a Wikipedia en galego.

A **lingua scots** (en scots: *Scots leid* ou *Scots*) é unha lingua xermánica historicamente falada nas Terras Baixas escocesas (*Lowlands*) e en partes do *Ulster*. É ás veces chamado *lallans* (termo procedente de *Lowlands*) para diferencialo do gaélico escocés, lingua de orixe céltica falada principalmente nas *Terras Altas* (*Highlands*) occidentais e nas *Hébridas*.

Esta lingua ten a súa orixe en dialectos do inglés medio de Northumbria. Posúe preto dun millón e medio de falantes, e é unha lingua común na rúa, pero que carece de calquera apoio oficial: nin se aprende nas escolas nin aparece na rotulación das cidades nin apenas en libros. O escritor máis famoso en scots é *Robert Burns*, que empregou esta lingua tanto coma o inglés nos seus poemas.

Índice

Nomenclatura

Etimoloxía

Dialectos

Notas

Véxase tamén

## Nomenclatura

Os falantes nativos ás veces refírense á lingua como *braid Scots*<sup>[2]</sup> ou usan o dos diferentes dialectos como *Doric*, *Teri* ou o *Buchan Claik*. O termo *Lallans*, unha variante do scots moderno *lawlands*, é tamén utilizado. O scots en Irlanda é coñecido en círculos oficiais como "scots do *Ulster*" ou "Ullans", un recente neoloxismo que combina "Ulster" e "Lallans".

## Etimoloxía

	<div>Scots</div> <div>Scots</div>
Outros nomes:	Lallans
Falado en:	<div><div><span></span></div>Escocia</div> <div><div><span></span></div>Irlanda do Norte</div> <div><div><span></span></div>República de Irlanda</div>
Rexións:	Europa occidental
Total de falantes:	200.000 (Ethnologue) <div>1 500 000 (GROS)<sup>[1]</sup></div>
Posición:	217
Familia:	<div>Indoeuropea</div> <div>Xermánico</div> <div>Xermano occidental</div> <div>Anglo-frisoa</div> <div>Scots</div>
Escrita:	<div>Alfabeto latino</div> <div>Estatuto oficial</div>
Lingua oficial de:	Non é oficial <div>Escocia: <i>lingua tradicional</i></div>
Regulado por:	Ninguén
	<div>Códigos de lingua</div>
ISO 639-1:	--
ISO 639-2:	sco
ISO 639-3:	sco ( <a href="http://www.sil.org/iso639-3/documentation.asp?id=sco">http://www.sil.org/iso639-3/documentation.asp?id=sco</a> )

O nome vernáculo da lingua, *Scots*, é unha contracción de *Scottis*, *scots* antigo,<sup>[3]</sup> e da forma meridional do inglés antigo tardío *Scottisc* (en inglés moderno: *Scottish*), que substituíu á temperán forma i-mutada *Scyttisc*. Antes do século XV a fala inglesa en Escocia era coñecida como "English" (escrita *Ynglis* ou *Inglis* daquelas), así o termo "Scottish" (escrito *Scottis*) referíase ao gaélico.

A comezos do século XV,<sup>[4][5]</sup> o inglés de escocia converteuse nunha lingua sensiblemente distinta, aínda que carecendo dun nome que a distiguise claramente do inglés do sur da Bretaña. Dende o ano 1495 o verba *Scottis* foi gañando uso gradualmente para referirse á lingua das Terras Baixas escocesas e *Erse*, irlandés, para o gaélico. Por exemplo, antes da fin do século XV *William Dunbar* usaba *Erse* para referirse ao gaélico e a comezos do século XVI Gavin Douglas usou o nome *Scottis* como nome para a lingua xermánica. Hoxe a lingua celta de Escocia é chamada habitualmente gaélico escocés.



## Dialectos

---

Recoñécese que o scots ten habitualmente cinco dialectos:

- *Scots setentrional*, falado ao norte de *Dundee* e dividido á súa vez nunha franxa máis setentrional (ao redor da vila de *Caithness*), nunha fita central e maioritaria (chamado dialecto dórico) e nunha máis meridional. O dialecto dórico ten á súa vez algúns dialectos recoñecidos e peculiares na vila de *Cromarty*: a fala dos mariñeiros de *Cromarty*, a fala dos labregos de *Cromarty* e a fala dos vilegos de *Cromarty*.
- *Scots central*, falado entre as cidades de *Perth* (ao norte) e *Glasgow* e *Edimburgo* (ao sur), e que se adoita dividir en *nororiental*, *sudoriental*, *occidental* e *sudoccidental*.
- *Scots meridional* ou fala das *Estremas*, usada nas *Estremas* de Escocia.
- *Scots insular*, falado nas *Órcadas* e nas *Shetland*.
- *Scots do Ulster*, falado por emigrantes escoceses ao norte de Irlanda e no condado de *Donegal*, e emparentado directamente co scots central.

## Notas

---

1. A aparente enorme variación no cómputo de falantes débese a que algunhas estatísticas contabilizan só os falantes maternos, mentres que outras contan a xente que son capaces de entender mesmo parcialmente
2. "SND:Scots". Arquivado dende o orixinal o 14 de setembro de 2011. Consultado o 24 de febreiro de 2011.
3. "SND: Scots". Arquivado dende o orixinal o 26 de maio de 2011. Consultado o 24 de febreiro de 2011.
4. *Companion to the Oxford English Dictionary*, Tom McArthur, Oxford University Press, 1994
5. *The Stewart Kingdom of Scotland 1371 - 1603*, Caroline Bingham, 1974

## Véxase tamén

---



*Este artigo sobre lingüística é, polo de agora, só un bosquexo. Traballa nel ([https://gl.wikipedia.org/w/index.php?title=Lingua\\_scots&action=edit](https://gl.wikipedia.org/w/index.php?title=Lingua_scots&action=edit)) para axudar a contribuír a que a Galipedia mellore e medre.*

*Existen igualmente outros artigos relacionados con este tema nos que tamén podes contribuír.*



Existe unha versión da Wikipedia en **Lingua scots**



Vexa no Galizionario as palabras en **Escocés**

---

Traído desde "[https://gl.wikipedia.org/w/index.php?title=Lingua\\_scots&oldid=5453449](https://gl.wikipedia.org/w/index.php?title=Lingua_scots&oldid=5453449)"

---

**A última edición desta páxina foi o 9 de maio de 2020 ás 14:18.**

Todo o texto está dispoñible baixo a licenza [Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.